

# Cazin'fo

## DANI OPĆINE 2010.



# Sportske igre "Cazin 2010"

I ove godine u okviru programa obilježavanja Dana općine održane su sportske igre u organizaciji Sportskog saveza općine Cazin. Ovo tradicionalno okupljanje i višednevno sportsko nadmetanje u nekoliko kategorija i disciplina iz godine u godinu okuplja veliki broj učesnika.



Petodnevno takmičenje krunisano je finalnim utakmicama i dodjelom priznanja najboljima. Na žalost kiša nije pogodovala završetku takmičenja na SRC Alinac, koji je bio poprište većine sportskih aktivnosti pa se završnica igara premjestila u gradsku dvoranu Cazin. Učesnici su se takmičili u malom nogometu, u kategori-



jama pionira i veterana, i streljaštvu, muškoj i ženskoj kategoriji. U kategoriji pionira najbolja je bila ekipa Šturlića, dok su na drugom i trećem mjestu ekipe Ostrošca, odnosno Gomile. Za najboljeg igrača u ovoj kategoriji proglašen je Akmadžić Tarik. Ekipa MZ Gnjilavac PVC Džaja bila je najbolja u kategoriji veterana ispred ekipa G. Koprivne i Koprivne. Za najboljeg igrača među veteranima proglašen je Jasmin Topić iz pobjedničke ekipe. U disciplini streljaštva prva mjesta su osvojili Memić Sulejman u muškoj i Salkić Fata u ženskoj kategoriji.



## Cazinske igre bez granica

Dana 02.08.2010.godine tribine SRC "Alinac" su bile pune. Razlog tome su četvrte po redu "cazinske igre bez granica". I ove godine kao i prethodnih, takmičili su se i mladi i odrasli. Stare igre i poneka nova disciplina oduševile su gledaoce, koji su svojim brojnim okupljanjem potvrdili značaj i poziciju ove manifestacije kojom se obično započinju aktivnosti na proslavi Dana općine Cazin.



Djeca u dobi do 10 godina su se takmičila u jedenju lubenice, banana i ispijanju pola litre Coca-Cole, dok su odrasli imali nešto zahtjevnije zadatke poput poligona sa flašama između kojih su metlom vodili teniske loptice, guranje gume preko grede dužine 5 metara i širine 10 cm, puhanje brašna i hvatanje loptice, prenošenje vode preko grede iznad bazena punog vode i sl.

Pobjednik ekipe jačeg spola je Jusić Hari sa osvojenim 81 bodom, dok je kod žena pobjedu odnijela Salkić Selvedina sa 100 bodova.

Nakon uvodnih riječi predsjednika Sportskog saveza, organizatora i idejnog kreatora ovih sportskih i zabavnih igara u našoj općini manifestaciju je otvorio načelnik Nermin Ogrješević kao jedan od pokrovitelja. U pauzama između disciplina gledaoce su zabavljali članovi plesnog kluba "Enigma", a kraj ovogodišnje jedinstvene manifestacije za ove prostore obilježio je skroman vatromet.





# Obilježen Dan općine Cazin

Budući da se 06.08.obilježava kao Dan općine Cazin tim povodom se na ovaj datum upriliči centralna svečanost u okviru aktivnosti kojima se slavi rođendan našeg grada. Tradicionalno u povodu ovog dana, načelnik općine upriliči prijem za ratne koman-



dante V Korpusa ARBiH, pa je tako bilo i ovaj put.

U svom uvodnom obraćanju načelnik općine je predložio obilježavanja ovog datuma na način koji on to zaslužuje zbog svog obima i značaja za našu ratnu, ali i postratnu historiju. Prema njegovim riječima, država bi se trebala više uključiti u ovakve događaje, trebali bi zajedničkim aktivnostima pokazati da želimo očuvati sjećanje na hrabru borbu, ali i mnogobrojne žrtve koje su pale u odbrani ovih krajeva.

Prijemu je prisustvovao veliki broj ratnih komandanata brigada sa područja USK, ali su posebno upečatljive ostale riječi



Husnije Avdagića, zvanog Huska iz Bosanske Krupe. Podsjetio je prisutne da je općina Cazin podnijela najveći teret kada je u pitanju njegov grad, zbog čije se podrške danas zahvaljuje i načelniku i građanima općine Cazin.

Nakon što su položili cvijeće na centralnom šehidskom spomen obilježju, pridružili su se okupljenima na svečanoj sjednici OV.

Na sjednicu su bili pozvani i prvi odbornici u općini Cazin, kao i članovi porodica onih odbornika

svoju prošlost ima slabe izgleda da ostvari dobru budućnost.

Ove godine je kao prateći kulturni događaj obilježavanja Dana općine organizirana izložba fotografija "Crno-bijelo oko", mladog cazinskog umjetnika, Muhameda Mizića.

Mnogobrojnim manifestacijama pridružila se i 35. godišnjica radija Cazin, a nakon slavljeničke torte, organiziran je i prigodan koktel za prisutne građane i zvanice.



koji danas više nisu s nama, a sve sa ciljem da se ukaže na zajednički doprinos razvoju naše općine. U svojim obraćanjima predsjedavajući OV, načelnik općine i general Fadil Hasanagić, osvrnuli su se na dane naše ratne prošlosti i evocirali usomene na viteške dane borbe. Između ostalog, naglašen je značaj ovog datuma kojim se slavi rođendan naše općine. Prema riječima načelnika Ogriševića, ovaj datum se mora slaviti i kada nas ne bude, jer narod koji ne cijeni





# Dan oslobođenja u MZ Šturlić

Petnaest godina od oslobođenja MZ Šturlić je bio povod tradicionalnog skupa u ovoj MZ-i, koji se održao 08.08.2010.godine. Pred velikim brojem okupljenih građana prisutnima je dobrodošlicu uputio predsjednik MZ-e Ramiz Ružnić.

Kao jedan od domaćina manifestacije, općinski načelnik Nermin Ogršević je napomenuo da je ovo jedna u nizu manifestacija koje se održavaju u zadnjih 15-tak dana povodom Dana općine i podsjetio na obavezu čuvanja ovih vrijednosti od zaborava, te dodao: Sigurno jedna od pouka koju možemo izvući iz ovih događaja jeste da zajedničkim snagama možemo doći do željenih rezultata. To je formula i za naše djelovanje u miru, bez obzira na određena različita gledišta, jer su nam temeljne vrijednosti zajedničke.“

O značaju ovog obilježavanja i sjećanja na svijetle momente naše historije govorili su njeni direktni akteri, ratni komandanti brigada iz sastava V Korpusa Armije BiH. Oni su ukazali na potrebu istrajnosti u ovom načinu sjećanja, kako bi mlada pokoljenja bila svjesna onog što se dešavalo na ovim prostorima. Skupu su prisustvovali i mnogobrojni predstavnici viših nivoa vlasti, premijer USK-a Šemsudin Dedić, predsjedavajući Skupštine USK-a Husein Rošić, zamjenik ministra civilnih poslova Senad Šepić, zastupnici iz kantonalne skupštine, zatim Jasminka Durić i Ibrahim Nadarević iz federalnog parlamenta te Nanić Husein i Bakir Izetbegović iz državnog parlamenta.

Na kraju manifestacije položeno je cvijeće i proučena fatiha pred duše najboljih sinova ove zemlje.

KUD Šturlić je svojim nastupom sa nekoliko koreografija zatvorio svečani dio obilježavanja 15 godina oslobođenja u ovoj mjesnoj zajednici.



## Prijem za Zlatne ljiljane

Već tradicionalno povodom Dana općine načelnik priređuje prijem za dobitnike najvećeg ratnog priznanja Zlatni ljiljan. Ove godine prijemu je prisustvovalo više od 50 najhrabrijih Cazinjana i članova njihovih porodica, koji su zajedno sa rukovodstvom općine i Udruženja “Zlatni ljiljan” položili cvijeće na centralnom spomen obilježju.



“Cilj ovog okupljanja je očuvanje uspomene na svijetle trenutke naše borbe i

oslobođenje cazinske krajine, ali i države BiH u proteklom ratu. U ovim danima posvećenim našoj općini i njenom rodendanu želimo reći da ovakvim datumima treba posvetiti više pažnje, naročito od strane viših nivoa vlasti. Dan općine Cazin se obilježava kao dan deblokade USK, općine Cazin, a time i naše domovine. Nadam se da će ga i načelnici poslije mene obilježavati i da ćemo zajednički evocirati uspomene na ove bitne trenutke naše prošlosti”, rekao je, između ostalog, načelnik Ogršević u svom uvodnom obraćanju.

Ovom druženju prisustvovao je i predsjednik kantonalnog Saveza dobitnika najvećih ratnih priznanja, gospodin Rizvo Behrem, koji je pohvalio odnos općine Cazin prema borcima i istaknuo je kao najbolji primjer poštivanja i ispunjavanja odredbi Zakona o dopunskim pravima boraca na našem kantonu.

Predsjednik Udruženja “Zlatni ljiljan”, gospodin Esad Begić, obratio se svojim saborcima, prijateljima i njihovoj rodbini riječima utjehe i zajedno sa načelnikom općine podijelio tradicionalne novčane poklone.



# Pečat slobodi 1995–2010



U okviru obilježavanja Dana općine i ove godine je na dan rođendana našeg grada u Tržačkim Raštelima održan tradicionalni skup pod simboličnim nazivom „Pečat slobodi“. Naime, ovim se obilježava deblokada općine Cazin, ali i Unsko-sanskog kantona, kao sjećanje na svijetle momente iz oslobodilačke borbe odbrambenog rata i momentat kada je, nakon više od hiljadu dana, na državnoj granici došlo do historijskog spajanja Armije RBiH i Hrvatske vojske, na čelu sa generalima Atifom Dudakovićem i Marijanom Marekovićem.

Prije same manifestacije položeno je cvijeće na šehidskom obilježju u Tržačkim Raštelima.

Pred velikim brojem okupljenih građana naše općine, prisutnima su izrazili dobrodošlicu domaćini manifestacije, predsjednik MZ-e Tržačka Raštela Medo Bajramović i općinski načelnik Ner-

min Ogršević. Ukazujući na širi značaj ovog datuma, našu obavezu da istrajemo u sjećanju na ove trenutke i da ih prenesemo na mlađe generacije, općinski načelnik je rekao: „Svoj patriotizam i opredjeljenost u izgradnji Bosne i Hercegovine, u mirno doba, dokazujemo kroz realizaciju mnogih projekata koji znače unapređenje kvaliteta života za naše građane. Generalna formula uspjeha jeste naše jedinstvo i moramo naći modalitete komunikacije, saradnje i međusobnog uvažavanja kako bismo se okupili oko ideje izgradnje jače, bolje i ljepše Bosne i Hercegovine.“

Prisutnima su se obratili i predsjedavajući Skupštine USK-a Husein Rošić i zamjenik ministra civilnih poslova BiH Senad Šepić.

O herojskom putu naših brigada govorili su ratni komandanti brigada V Korpusa Armije RBiH, Hase Kovačević, Amir Avdić, Muhamed Hamdo Delalić i Ibrahim Nadarević. O značaju ovog datuma, ali i njegovog obilježavanja govorili su generali Fadil Hasanagić, načelnik ratnog štaba V Korpusa Armije RBiH i general Atif Dudaković. „Dok se mnogi stide i ljudi i događaja iz proteklog rata cazinjani su udarili pečat i na ovaj način otimaju od zaborava naše vrijednosti. Tri godine ovaj narod je bio u okruženju kao niko u svijetu. Međutim, moramo sami sebe cijeniti, moramo cijeniti svoje vrijednosti, svoje ljude i istrajati u borbi za Bosnu i Hercegovinu, koja još nije gotova, jer druge domovine osim ove nemamo“, rekao je general Dudaković.



# Dobrodošlica Ramazanu 1431

Ove je godine povodom nastupajućeg mjeseca Ramazana upriličen koncert duhovne muzike. Vremenske prilike zadnjih nekoliko dana omele su organizatora da se ovaj koncert održi na lokalitetu Starog grada Ostrožca, zbog čega je manifestacija održana u gradskoj dvorani naše općine.

Hor MIZ Cazin je svojim nastupom otvorio program ove večeri.

Veče duhovne muzike upotpunili su svojim nastupom članovi hora „Hazreti Hamza“ i poznati interpretator Eldin Huseinbegović, koji su lijepim glasovima i porukama učinili ovo veče posebnim svim prisutnima. Treba napomenuti da je ovaj događaj išao i u online prijenosu putem nekoliko web stranica, što ga je učinilo dostupnim široj masi.

Pokrovitelj manifestacije je općina Cazin i suorganizator zajedno sa Medžlisom islamske zajednice Cazin. Kao domaćini manifestacije prisutnima su dobrodošlicu izrazili glavni imam Said ef. Mujakić i općinski načelnik Nermin Ogršević. „Nadam se da ćemo iskoristiti nadolazeće mubarek dane mjeseca Ramazana i ojačati sami sebe, jer jaku zajednicu čine jaki i odlučni pojedinci i samo takvi možemo zajedno graditi svjetliju i bolju



budućnost“, riječi su načelnika Ogrševića upućene mnogobrojnim posjetiocima.

Gost predavač ove godine bio je prof.dr.Izet Terzić, koji je uputio niz poruka i savjeta vezanih za Ramazan i sve ono što nam donosi ovaj „najdraži gost“.





# Smotra folklor

## "Cazin grada

# 2010"

Peta po redu, tradicionalna smotra folklorcazinske krajine održana je 05.08.2010.godine u sportskoj dvorani naše općine. Ovoj manifestaciji koja se svake godine priprema povodom Dana općine Cazin, nije prethodio svečani defile ulicama općine zbog loših vremenskih prilika. Međutim, to nije spriječilo veliki broj ljubitelja folklorca i folklorne pjesme da se pridruže našim KUD-ovima i poprate njihove nastupe.





Smotru je otvorio načelnik općine, kao jedan od inicijatora i realizatora ideje oživljavanja ove manifestacije u općini Cazin. "Neizmjerno mi je drago da vas vidim u ovolikom broju, jer time pružamo podršku ovim vrijednim ljudima da nastave sa tradicijom krajiškog folkloru i pjesme. Nadam se da će i mladi naraštaji nastaviti njihovim putem. Pozitivno je što se danas možemo pohvaliti najvećim brojem ovih udruženja u regiji i smatram da smo time obogatili našu kulturu i tradiciju", rekao je načelnik Ogršević u svom obraćanju.

Nakon riječi prvog čovjeka naše općine uslijedilo je predstavljanje učesnika, a smotru je

tradicionalno otvorilo udruženje koje prvi put nastupa. Ove godine ta čast je pripala novoformiranom KUD-u "Bajro Redžić" iz Polja.

Ove godine svoje nastupe na smotri folkloru imalo je 13 KUD-ova. Već pomenuto KUD "Bajro Redžić" iz Polja, KUD "Pobjeda" iz Krivaje, KUD "Saz" iz Gornje Koprivne, KUD "Skokovi" iz Skokova, zatim KUD "Đerđef" iz Cazina, KUD "Krivaja" iz Krivaje, KUD "Hasan Mujezinović" iz Cazina, KUD "Liskovac" iz Liskovca, KUD "Šturlić" iz Šturlića, KUD "Stijena" iz Stijene, KUD "Koprivna" iz Gornje Koprivne i KUD "Tržačka Raštela" iz istoimene mjesne zajednice.

